

ARUBA ANSE COURANT



Diario



pa Aruba



Instala Airecon-
dicionado na bo
cas AWOR!

Tel. 2170

DIALUNA 30 DI JANUARI 1961

Nr. 3951

Conseho di seguridad ta continua debate di Congo diarazon Preocupacion tocante formacion di un "legion di extranjero" na KATANGA

Retirada di trupanen ta
amenaza trabau di N.U.

LEOPOLDSTAD — E comandante supremo nobo di Ierland dje trupanen di Nacionnan Uni na Congo, teniente-general Sean McKeown, kende a regresa Dia Biernes for di un biahe di inspeccion, durante cual el a bishita mayoria parti di Congo un siman largu, a declara ajera na Leopoldstad durante un conferencia di prensa, cu segun su opinion por origina un situacion critico, como resultado dje formacion anuncia di un "legion di extranjero" na Katanga, di cual soldanan mercenario Europeo aparentemente ta miembro. Parce cu e soldanan aki ta worde paga hopi placa.



Diadomingo for di mainta caba nan a cuminsa cu desembarca "De Olde Molen" riba waaf. Aki por mira un di e alanan di 22 meter largo, riba un truck di Aruba Trading Co. Mas atras por mira e senjornan di "De Olde Olde Molen", firma Bohama y di A.T.C.

Filmtruck pa combati abuso di alcohol ta cuminsa corre 'trobe

ORANJESTAD — Indudablemente hopi hende ta recorda e peliculanan cu e filmtruck tabata pasa den anjanan cu a caba den e varios sitionan leu den componen. E truck aki cu ta pertenece na e "Stichting Alcohol Misbruik Aruba" (Stichting pa combati abuso di alcohol na Aruba) ya tin varios lunanan cu e no ta activo.

Pero gracias awor na cooperacion di dos instancianan grandi riba e isla e truck aki lo cuminsa corre atrobe awe nochi 30 di Januari y e funcion di awe lo ta na e terreno di futbol na Salina Cera banda di parcela Salina Cera 12.

Gastonan aumentando

Cinco anja pasa e Stichting pa combati abuso di alcohol a keda funda y dos anja despues ya e tabata den estado di pone un truck di cine riba caminda, cual na diferente sitionan riba e isla, mas parti den campo, tabata duna funcionnan cu ta trata tocante e abuso di alcohol.

Esaki a dura mas o menos tres anja y despues a stop, ora cu e personanan cu tabata cuida pa e peliculanan y e truck voluntar amente, despues a cuminsa pidi un compensacion, cu poco poco tabata bai sabiendo te cu na un momento e stichting no ta...

bata por a soporta esaki mas y a didei na stop e truck di corre.

Yudanza grandi

Pero awor, gracias na yudanza di Lago y gobierno insular e Stichting ta den estado di mantene e truck atrobe. "Lago a haci un hon trabau ora cu nan a duna e truck un bon "overall" haciele nobo nobo na un manera cu un persona cu a mirele antes no por reconoce awor", asina sr. N. Henriquez, presidente di e Stichting a expresa durante diabiernes anochi den sala di Voogdijraad.

Gobierno insular a percura pa e creditonan asina cu e peliculanan nobo por a worde busca.

Tres biaha pa siman e truck lo ta na un sitio diferente riba e isla. Sr. Aré Baptist y su asistente, ta e personanan cu euminzando awe nochi ta tras di e stiumwiel di e truck.

Pa 7.30 di anochi e programa ta cuminsa cu un discurso corto di un miembro di A.A., despues ta s'g'i introduccion di un película instructivo. Cuarto pa ocho e pelicula instructivo ta cuminsa y lo dura mei hora.

Lo tin un pausa di 10 minutu y durante di esaki tin oportunidad pa bai preguntanan tocante e pelicula instructivo.

Y como ultimo punto tin un pelicula alegre cu un duracion di 40 pa 60 minutu. E presentacion lo dura dos hora na tur. Pa awe nochi nan tin e.o. riba programa e pelicula cu h'staman di Aruba titula "Aruba Tourist Paradise" gracias na e cooperacion di Toeristenbureau, y tambe "Vier Prinsessen Groeien Op", cu ta trata di h'ida di e cuater prinsesnan na Hulanda.

E comision di filmtruck ta consisti di e siguiente personanan: Drs. M.J. Boekhoudt, sr. L. Yanzagaray Berkeley, sr. L. Ecury y R.H. Beaujon. Reverendo pastoor J.N. Burgemeester ta e conschero spiritual. E programa na e siman aki ta:

Awe nochi: r'ba terreno di futbol na Salina Cera banda di parcela S.C. 12.

Diarazon dia 1 di Februari: Saha-na Liber banda di parcela S.B.L. 39. Diabiernes 3 di februari: Alto Vista banda di Kudawecha 2.

DESPUES DI 36 ANJA TRES SOEUR ARUBANA A REGRESA ARUBA

ORANJESTAD — Awe mainta ta jega cu avion for di Corsow, tres soeur Franciscanessen (di Breda), esta nan ta tres soeur Arubana, cu ta trahando na Corsow. Despues di un ausencia di varios anja nan ta bolbe back pa di prome biaha serca nan famianan na Aruba.

Di un di nan, soeur Ursulina, nos a worde informa cu trinta y cinco anja pasa el a bira soeur y cu e tin trinta y seis anja sin pone pia riba Aruba. Soeur Ursulina ta hende di Paradera. Jiu di senjor Gilberto Dijkhoff y senjora Tevinda Silvester Dijkhoff-Paskel, cual pareha mientras tanto ta defunta caba. Pero soeur Ursulina tin tres ruman niher na Aruba y un ruman homber, kende ansiosamente ta spera jegada di nan ruman soeur Ursulina. Nan ta senjora Rosa Tromp-Dijkhoff, sra. Amelia Falconi-Dijkhoff, senjora Adeleida Tromp-Dijkhoff y senjor Herman Dijkhoff. Soeur Ursulina ta traha na hospital St. Elisabeth.

E otro dos soeurnan ta soeur Marca (Josefita Britten) y soeur Judith (Johanna Tromp), di Noord y tur dos ta trahando den "Rustoord" na Groot Kwartier, Corsow.

E interes pa e jegada di e soeurnan aki abata enorme, famianan y concinanan tur tabata presente na aeropuerto pa felicita e soeurnan.

Cuater dia e soeurnan aki lo gosa di nan vacante na Aruba, anochi nan ta pasa serca e soeurnan na San Pedro Hospital, resto di tempo nan ta pasa serca nan famianan.

CARMEN ROJA REINA DI JAMANOTA CLUB



SANTA CRUZ — Diasabra anochi e votamento final a tuma lugar den Jamanota Club y aki srta. Carmen Roja a sali reina cu 5450 votos, sigi pa Luisa Hoek, Miss Jamanota cu 5000 votos; Alicia Krozendijk, Reina Simpatia cu 2470 votos. Di ultimo a sali srta. Carmen Dubero cu 300 votos.

PADER R. NOOYEN PASTOOR DI NOORD

ORANJESTAD — Pader R. Nooyen, te na e dia cu su vacante pa Europa a cuminsa tabata pastoor di Playa na Bonaire, awor e ta nombra pastoor di Noord. E siman aki e ta worde spera for di Hulanda y lo cuminsa traha den...



Ata e Prins di Carnaval Ernesto Bareño (na drechi) huntu cu su Pancho Edwin Angela (na robez) den Club La Fama Diasabra marduga.

La Fama Club a produci e Prins Carnaval di e anja aki Ernesto Bareño y su pancho Edwin Angela lo dirigi carnaval

ORANJESTAD — Un Strand Hotel de bote en bote Diasabra p.p. a baila cu di "Las Duques" riba di e anochi di eligimento di Prins Carnaval pa e anja aki den Strand Hotel durante di e grandioso baile di Juventud Cristian. E resultado tabata un anochi dibertido di cual e punto principal tabata eligimento di Prins Carnaval pa e anja aki. Ernesto Bareño di La Fama Club y su Pancho Edwin Angela a sali eligi como Prins Carnaval di e anja aki.

Un di e candidatonan, Wagib Mulye di Caribe Club, a bala atras na ultima hora, asina cu a resta solamente tres, a saber esun ya mencionna caba, Jany Hoeveris y su Pancho Dan'el Leo di Juventud Cristian y Eri Luidens di Jamanota Club.

E burado cu tabata consisti di: C. Whitfield, L. de Palm y M. Reyes a hanja e trabau di husga riba actuacion di e candidatonan, nan speech y e reaccion di e publico riba e speechnan. Aplausonan no a falta pa parti di e publico, principalmente ora cu e candidato di La Fama, bisti cu un bril gigante a pronuncia su speech.

Nan actuacion a juda hopi na e decision di e burado, cu a bai masha bon serca e publico. E ceremonianan tabata corto pero cu masha pep. Den persona di Ernesto Bareño acompanya pa su Pancho y Carnaval di e anja aki sigur lo banja un hopi direccion. E alegria cu cual e Prins nobo a worde ricibi den su club na Savaneta tabata, inmenso. Felicitation tabata bisi di tur banda y e Prins a baijele obliga di ripiti su speech cu algun minutu prome el a pronuncia den Strand Hotel.

Nos a logra pone man riba e escriptura Real aki y aki bau nos ta laga Ernesto I. Prins di Carnaval 1961 na palhara:

AMIL PRINS NISS NURSE ERNESTO RABENO PRIMERO, PRINS DI LA FAMA Y DI CHANERIA (ai no su parokia nobo na Noord, Pader C. Copray. Ende tabata temporalmente na e parokia aki, lo bai Oranjestad trobe pa continua su trabau aha como kapelana.

ODUBER & KAN INC. BRIL DI SOLO Bin mira nos gran surtido den nos show window!

VUELONAN DI AVENSA A KEDA CANCELA

ORANJESTAD — Mas o menos...

...ta cancela e vuelonan pa Aruba...

...ta cancela e vuelonan pa Aruba...

"DE OLDE MOLEN" A JEGA AYERA

ORANJESTAD — Cu e bapor di K.M.S. "Breda" a jega ayera mainta...

...ta cancela e vuelonan pa Aruba...

...ta cancela e vuelonan pa Aruba...

ANOSHI DI CONTACTO NA DOMINICUS COLLEGE

ORANJESTAD — St. Dominicus...

...ta cancela e vuelonan pa Aruba...

DOS PASASHI DI T.C.A. IDA Y VUELTA NA E REINA DI CARNAVAL

ORANJESTAD — Un regalo precioso Trans Caribbean Airways a pone disponibel na e senjorita kende e anja aki lo worde eligi como Reina di Carnaval di Aruba. E Reina aki huntu cu su compania a banja di e compania aki un pasashi ida y vuelta pa Puerto Rico.

BANKETE DI WELPNAN DEN ESSO CLUB

Dia 9 Februari lo worde duna den Lago Club un bankete pa e welpnan di Serce Colorado huntu cu nan tatanan. E fiesta ta cuminsa pa seis or.



Den Tivoli Club tambe e decision a cai Diasabra marduga. Srta. Omira Habibe (na robez) a bira Reina di Tivoli cu 4540 votos, Sr. Oscar Hart (den centro) a bira Joker cu 302 votos. Mas na drechi ta Rori Arends di e comite di Carnaval di Tivoli. Srta. Habibe a worde sigi pa Erna van Heeswijk cu 630 votos y Sr. Hart pa Mario F. Arends cu 279 votos. Joyita 1961 a worde eligi e chiquita Maria Veneranda Merryweather.



Den Commandeursbaai Club srta. Rosalda Arends a sali Reina Diasabra ultimo cu 211 votos. Aki nos ta mirele mas adilanti na drechi sigi pa Yolanda Kock (runner-up cu 135 votos), Yolanda Bislick cu 95 votos y por ultimo Yolanda de Jongh cu 20 votos.

Dennis, de Schrik van de Buurt



„Ruff begraaft zijn bot en ik mijn boterham!“
„Ruff ta dera su weso y ami ta dera mi sandwich!“

AVISAS DEN ARUBAANSE COURANT



AIR-CONDITION YOUR HOME AND OFFICE!
BO TA SINTIBO OTRO CU
AIREACONDICIONADO
na cas y na oficina!!
ADIOS calor, stof, boroto y sudor!
(y e ta costa menos di loke bo ta kere)



GOOD NEWS FROM „O P E L“

The popular "Opel Kapitán"

can now be delivered with the full automatic hydramatic TRANSMISSION

Enjoy the silent luxury of the hydramatic OPEL KAPITAN at a very reasonable price

FOR ALL DETAILS APPLY TO:

ARUBA TRADING GARAGE

Rondweg 1 - Oranjestad - tel. 1653

De veelvuldige wekelijkse diensten van de Pan American van Curacao naar New York — via Caracas of Puerto España — en de vele dagelijkse diensten met de Jet Clipper van New York naar Europa, garanderen een reisplan "speciaal voor U opgesteld".

Dit is het seizoen wanneer alle goedkoper is in Europa. Neem ook de hele familie mee! ... En vraag dan om inlichtingen over het FAMILIEPLAN VAN DE PAN AM dat geldig is tot 31 Maart. Consulteer Uw reisbureau of de Pan American.



DE LUCHTLIJN MET DE MEESTE ERVARING TER WERELD
S. E. L. Maduro & Sons, Inc. Generale Agenten
Aruba: Nassaustraat — Tel. 1735-1736
Curacao: De Ruyterplein 2/4 — Tel. 11200-11905



BEGIN NU REEDS PLANNEN TE MAKEN VOOR UW REIS NAAR EUROPA

E noticianan respecto "Santa Maria" ta duna esperanza

WASHINGTON, 29 jan — E corant Mericano „Washington Post“ a scribi cu e autoridadnan Mericano ta tene cuenta prome cu tur otro cos cu seguridad dje pasaheronan Mericano. Esey ta e motibu pa cual almirante Dennison a manda un mensahe tantu cordial pa e cabezante dje rebeldenan a bordo dje bapor, Galvao. Sin embargo esaki no ta kita, cu e apoderamentu dje bapor ta pirateria cu e complicacionnan secnestracion y asesinato. Derecho popular ta reconoce derecho di un partido den guerra, pa confisca bapor dje contrapartido, pero ningun potencia nabegante no a reconoce e enemigonan dje regimen Salazar como un partido den guerra.

Comunicado publica pa gobierno republicano spanja desterra

E gobierno republicano spanja desterra a publica un comunicado ahera na Paris, den cual ta bisa cu anja pasa el a firma un „pacto di cooperacion“ cu general Humberto Delgado, presidente dje junta pa liberacion di Portugal.

Ambos partida a priminti den e pacto aki di organza hunto e liberacion dje peninsula for di su dictadornan.

E accion di capitan Galvao, asina e comunicado dje republicanonan spanja ta bisa, ta un acto politico segun derecho internacional y no mester wordo interpreta d'ferente di wordo atribui na e comunistanan.

Na Brussel e federacion internacional di siad catonan liber a expresa su mes na favor di capitan Galvao. E confederacion a pidi e sindicatonan liber-mundial pa apoya e movimentu pa liberacion di Portugal y su posesionnan africanas.

Na Sao Paulo general Humberto Delgado, ex-candidato pa presidencia di Portugal, a publica un documento, den cual el a condena e caracter fraudulento e dje ultimo eleccionnan (portuges) y el a declara cu e ta e presidente legitimo di Portugal. Ta como presidente legitimo di Portugal Delgado a nombra Galvao como delegado plenipotenciario di gobierno portuges desterra na 1960. Na e momento cu e delgado plenipotenciario buta pia riba territorio portuges, esey ta wordo considera como tera firme, atake cu e ta un bapor di un avion, asina e documento di Delgado, cual el a duna prensa, ta bisa. E documento ta bisa cu Galvao, como delegado plenipotenciario, tin tur derecho di forma un comite di liberacion, cual lo mester ocupa e territorionan portuges y pone un fin na e trania di Salazar. Asina ta, cu ta posible cu Galvao lo proclama e „Santa Maria“ como territorio libera portuges despues cu e baha e pasaheronan.

Cual actitud gobierno brazileno lo ocupa si e desembarco dje pasaheronan socede den awanan brazileno? Un corant na Sao Paulo, „Diario da Noite“, a informa cu 20 agente dje peliznan politico portuges a jega Brazil poco tempo pasa, causando malessa entre e emigrantenan portuges. Ta bon, asina e corant ta bisa, cu parlamento brazileno no a aproba e pacto di extradicion entre gobierno brazileno y gobierno portuges ainda, esey lo a kita e derecho di asilo dje democraatan portuges.

Declaracion di Valentin Jose dos Reis

Valentin Jose dos Reis, adm'nistrador abordo dje „Santa Maria“, kende a wordo bandeda na e isla St. Lucia hunto cu e hendenan herida, a declara na su jega da na New York cu e poder mes ta den man dje profesor spanjo Belio. Esey a duna Galvao order. Dos Reis a bisa cu mayoria parti dje rebeldenan ta papia spanjo mihor cu portuges.

Dos Reis a bisa na su jega da na Barcelona (Spanja) na unda su avion mester a baha pasahero tabatin mal tempu na L'boa, cu su gobierno a ordene pa no haci declaracion.

Dos Reis lo warda na aeropuerto di Barcelona pa mira si weer lo clara, pa e sig' na Lisbon den avion. Sino e ta bai Portugal cu bapor.

Almirante Allen Smith a bai Belem

Almirante Allen Smith a bai Belem, Brazil, awe mañan, unda lo e barea e destructor mericano „Wilson“, cual mester bai topa e „Santa Maria“.

Almirante Dennison ta conferencia cu capitan Galvao

Almirante Dennison, comandante supremo dje flota atlantico mericano ta negocia actualmente cu capitan Galvao tocante desembarco dje pasaheronan abordo dje „Santa Maria“, asina a wordo afirma awe mañan na cuartel general di marina mericano.

Acuerdo durante discusion cu capitan Galvao

Noticianan radial ta cita un oficial di marina mericano na Recife, kende parec' el bisa cu Galvao ta dispuesto na bai cualquier haf brazileno cu e „Santa Maria“, basta cu e jega na un acuerdo durante d'scusionnan cu marina mericano.

Parec' cu el a desmenti un noticia, segun cual Galvao a consenti pa duna e bapor bek na su capitan legal. E destructornan mericano den baheran den Caribe y e submarino atonico „Seawolf“ ta wordo tene cla awor por si acaso e „Santa Maria“ bai Brazil bek.

Antonio Jose Pires, steward dje „Santa Maria“, kende a wordo bandeda na St. Lucia hunto cu e tripulantenan herida pasobra e tabatin de geel, y kende tabata den un hospital, a desaparece for dje hospital. Nan ta buskele r'ba e isla, pero no ta 'posible cu el a bai for di dje.

Informacion di Delgado na prensa di Canada

General Delgado a informa 2 corant na Toronto (Canada), cu e accion di capitan Galvao por pone Portugal bira escena di atonnan di violencia.

„The Star“ a informa, cu e general a bisa cu e accion por causa un guerra civil, mientras cu el a bisa „Toronto Telegram“, cu ta casi sigur, cu futuro di Portugal lo causa un conflicto arma.

General Delgado a bisa „The Star“ cu lo e bishita „Santa Maria“ pronto, pero e no a bisa na unda.

Comentario di „Diario da Manha“

E corant Portuges „Diario da Manha“ a scribi cu e asunto di „Santa Maria“ lo wordo liquidado en acuerdo cu honor y interesnan di Portugal y mundo civiliza.

Ta claro cu e declaracion, cu motubunan politico no por reduci di justifica accion dje „agresornan“ dje „Santa Maria“.

E corant „A. Vos“ a scribi: Solamente heude loco por kere cu algun aventurero, maske ki bon arma nan ta, lo por manene nan mes na cualquier parti dje territorionan portuges contra e reaccion liber y destructivo, cu lo bini indudablemente for di parti dje chereho portuges.

E embahador portuges na Londen



Riba e portret aki nos ta weita Estelle Parker hunto cu poco bistir manera basonan por weita mashar bunita. Kende ta Estelle Parker? Estelle Parker biba na Palmbeach, Florida, ta e hende cu ta traha patroonchi di bistir pa familia Kennedy. E bistirnan aki ta algun creacion di dje. E ta pinta patroonchi di bistir pa Caroline Kennedy, jiu di John Kennedy

a bisa den un declaracion cu mayoria parti dje rebeldenan di Galvao abordo dje „Santa Maria“ ta mucha hombernan di 17 of 18 anja, kendenan a wordo recluta y ta wordo paga. Solamente 4 dje 70 rebeldenan ta nacionalidad portuges.

Expresion di circulonnan Brazileno

Circulonnan brazileno a expresa nan speranza, cu „Santa Maria“ probablemente lo bai na un haf brazileno pa desembarca su pasaheronan. Ta probable cu lo e bai Belem. Circulonnan cu tin relacionnan estrecho cu ministerio di asuntunan exterior di Brazil, ta bisa cu ta posible cu „Santa Maria“ lo hanja oportunidad di tuma combustible y cuminda na Belem.

Na aeropuerto di Recife estado mayor di foza aereo brazileno a detene 18 avion militar mericano cu ta persigi e „Santa Maria“. Normalmente e avionnan mericano por usa e aeropuertonan brazileno pa escalanan tecnica, pero den e caso aki, den cual e avionnan ta persigi ta bapor estranhero, nan aterizacion ta wordo considera como un atentado contra soberania nacional y nan no ta permiti di usa e aeropuerto. Ministerio brazileno di guerra a pidi atencion dje ministerio brazileno di asuntunan exterior pa e situacion „irregular, crea pa presencia dje inspectornan di polis politico portuges, manda Brazil su armanan di guerra pa barea abordo dje bapor „Vera Cruz“.

Participacion di marina mericano

Mericano a informa cu e „Santa Maria“ a cambia su curso drasticamente y evidentemente ta bai Belem, na Brazil, awor.

Anteriormente expernanan de cuartel general di marina a bisa na Washington, cu nan tabata kere, cu cada bishita cu un avion aerea e bapor e tabata cambia su ruta, pa bishita nan. Marina Mericano a informa despues cu e „Santa Maria“ tabata na un distancia di como 400 milla for dje punto mas aerea di costa Brazileno y como 800 milla for di Belem, awe mañan den madraña.

Militarnan mericano lo no nishi cu „Santa Maria“

Ministerio Mericano di Defensa a informa cu

Merca a sigura e rebeldenan a bordo de „Santa Maria“, cu e Mericanonan lo no haci e bapor nada, si e drenta e haf pa desembarca e pasaheronan. Galvao a exige esey.

Cuartel general de flota Mericano na San Juan a informa despues cu almirante Dennison a duna contralmirante Smith order pa bai Belem cu avion, y barea abordo dje destructor „Wilson“ pa bai tene discusion cu e „Santa Maria“, si e comandante de bapor ta desea esey.

Contralmirante Smith lo bai awe mañan.

Terronan di gendarmenan Katanges

ELISABETHSTAD, 29 januari. — Nacionnan Uni a informa na Elisabethstad, cu gendarmenan katanges a tira varios bom riba Luena, despues di mas bringamentu cu rebeldenan bulaba den e centro importante di ferrocarril, 400 kilometre parti norte di Elisabethstad.

E portavoz di ministerio katanges di informacion a informa cu un corresponsal dje „British Commonwealth International News Agency“, Eugene Zaslavsky, a wordo arresta pa e polisnan katanges. E tabatin documentonan secreto militar, cu el a cumpra na Elisabethstad.

Nan ta kere cu e documentonan ta trata di operacionnan dje trupanan katanges contra e rebeldenan bulaba.

Roger Trinquier a bai Elizabethstad

PARIS, 29 januari. — Roger Trinquier, un coronel dje paracaistanan frances y ex-miembro dje comite pa bienesta, publico cu a wordo forma na Argel despues dje rebeldion di mei 1958, a bai Elisabethstad for di Paris diarazon anochi. E corant independiente „Le Monde“ a informa cu Chombe a etrece e coronel, un especialista den bringamentu subversivo den guerra, puesto di comandante supremo dje chereho di Katanga.



DRS HAZENBOSCH RECORDA DEN SEGUNDA CAMARA. — Na cuminzamentu di e reunion' ultimamente di Segunda Camara, durante un corto solemnidad, e miembro di Segunda Camara (AR) Drs. C. P. Hazenbosch recorda, quende a muri algun siman pasa na un accidente di trafico den Ardenas di Belgica. E portret aqui ta duna un bista dje Camara durante e recordamiento.

HOROSCOOP

ARIESNAN 1 Maart — 21 April



No pone awe awe mucho confianza riba otronan, ni tampoco quere nan promesanan.

TAURISNAN 21 April — 21 Mei



Si e camina ordinario pa logra un intento ta mucho dificil, a to scohe un otro camina.

GERMINENAN 22 Mei — 21 juni



Percura pa bo salud y no larga mucho confianza nada strob, bo bon intencion. Corda riba bo debernan.

CANCERNAN 22 Juni — 23 Juli



No tuma ningun riesgo innecesario, ni den trabao ni den otro asunto-nan.

LEONAN 24 Juli — 23 Augustus



Spera un ratu pa bo mira com tur cos ta anda. Quizas tin algu cu bo ta gusta.

VIRGONAN 24 Augustus — 23 September



Bo no mester confia cu d'cisionnan di bo of di otronan lo ta definitivo y sin cambio.

LIBRANAN 24 September — 23 October



Warda bo di cosnan cu lo costa ta bo mas placa cu b'na pensa di e-vita foutman.

SCORPIONAN 24 October — 22 November



Den sentido emocional ta e-motiva cada dia negatiba, cada kestion of desunjon por tin consecucionnan.

SAGTARIUSNAN 23 November — 21 December



No mira bo di dificultad of problemaan mas grandi cu nan ta en realidad.

CAPRICORNUSNAN 22 December — 20 Januari




Influencia di amigu of persona nan queri por ta contrario cu interes di bo cartera.

ACUARIUSNAN 21 Januari — 19 Februari



Queda cu tudos bo pia riba suela. Trata di sonja den dias pasobra lo bo no yega mucho leu.

PISCES 20 Februari — 20 Maart



Otronan lo t' indeciso of des-cu da. Tene cuenta cu esquinan. Concentra bo r'ba rutina.

Golpe de estado na El Salvador

GUATEMALA, 29 jan. — Nan efectua un golpe de estado na e republica Mericano Central El Salvador. Biheronan ta bisa cu e golpe di estado a wordo efectua pa oficialnan de rechista hoben, cu ta acusa e regimen bieuw di ayudo na comunistanan. Paro cu e junta nobo no ta domina situacion completamente ainda.

Cabezante dje junta nobo ta coronel Portil. E junta tin su cuartel general den e forti San Carlos, parti norte dje capital. E constitution di 1950 wordo proclama di vigor atrobe. E regimen nobo a proclama e marcial.

Un miembro dje junta nobo a declara pa radio, cu e pais ta tranquilo. E golpe di estado a wordo provocado door di actividad dje regimen bieuw, cu tabata permiti actividad comunista pone seguridad dje pais na peliger. Junta nobo lo ocupa un posicion central.

Petrona & Croes

Dakota - tel 1712-1639
PORTA, KOZIJN, BENTANA

CISCO KID

1. "No, no! Si mi hay contra Grunon, lo e revela mi pasado y lo mi junan lo sutil! Bo ta haci malo, señor!" 2. "Quico bo junan lo pensa awor mes, mirando bo cay cobardemente pa voluntad di e maton ey?" 3. "Mi no por haci otro cos!" 4. "Bisa mi, con bo a comete e homicidio ey?"



JUAN EL INTREPIDO

1. Pasando pa e porta na unda Tavi a hiba nan, e bandolera ta jega den sala grandi na unda Raja ta warda su novia cu su invitadonan... 2. "Kende a laga e hendenan ey drenta? Bay riba nan!"



DICK TRACY

1. "Hiba e pa warda, Lizz, quizas e quier papia cu bo." 2. "Sosega awor, Fresh. Tur cos lo ta o.k." 3. "Hoe, hoe." 4. "Mi quier mi jiu back. Tur lo que mi quier den mi vida ta mi chiquito, mi babay, Fresh ta snik."



RIP KIRBY

1. Eric y Mark ta sali cu intencion firme pa tumba Kirby... 2. "Lo mi tabata quier a sa te ni unda nos ta bay..." 3. "No ta importa mi por lo menos, ya nan no por alcanza nos." 4. "Mi no ta asina sigur... solamente si e gaviotanan tin luz..."



EL PRECIO DEL TRIUNFO

1. "Edouard! Adelante!" 2. "Emil, mi ta presenta bo na srta. Gregg y Josef Zorel." 3. "E gran Zorel! Ah, esta contento mi ta pa mi topa cu un paisano!" 4. "Danki, Gracie! Qui dia bo huy?" 5. "Un añja pasa! Vassy a juda mi na Brusel!" 6. "Y awor nos tur dos ta ganando fama na Merca!" 7. "Zorel... A pasa un idea den mi cabez! Mi ta bay pinta bo retrato!"



EL DIARIO DE UNA VIDA

1. "Paquico e dokter Davis ta tarda tanto asina pa examina Tula? Su caso no ta grave." 2. "Dr. Davis ta masha hucioso. E no ta prescribi remedi sino despues di un examen completo." 3. "Dienta, Eva."



PEPITA

1. "Ah! Esta un aroma delicioso! Pepita ta cishinando mi plato favorito!" 2. "Mi a hanta olor di e pork chop aki di riba caya." 3. "Mi ta kentando cuminda di ayera en a sobra." 4. "E hincianan tin pork chop ta hasa." 5. "Boso no tin derecho di jena e calle cu e aroma ey! Boso a tende, no?"



BIA VIAJE PA CAS. — Siman pasa Dia Viernes e vliegdekschip Brazileno cu ta carga number di „Minas Gerais" cual vapor na e firma Verolme a pasa pa un reparacion hopi formal i completamente rejuveneci e ta sigui awor pa Brazil. Sr. Verolme mes tabatin e gentileza di a saca e vapor foi dok i a dirigi na e comandant dje vapor via un instalacion di versterker. Abordo tabatin un cuerpo di musica cu a percura pa tene e presentenan contentu cu tononan festival i musical.

Estudio ordena pa Kennedy na su funcionarianan

NEW YORK, 29 Januari. — Parce cu presidente Kennedy a ordena su funcionarianan pa haci un estudio mas pronto posible dje utilidad di cierto base mericano na pisanan estranhero, asina "New York Herald Tribune" a informa. E corant ta bisa cu Kennedy kier sabi si ta posible pa suprimir cierto base como concesion na Rusia, den caso di futuro negociacionnan tocante desarme.

Si ta posible e kier pa contesta e siguiente preguntanan prome cu fa di siman:

- 1) Importancia di cierto base estranhero a reduci dobr di existencia di submarinonan equipa cu raket manera e Polaris?
- 2) Cuanto tempo e basenan estranhero lo ta necesario ainda, en bista dje progreso tecnico riba terreno di armamento?
- 3) Lo ta posible den cierto caso pa reemplaza e trupanan mericano na pisanan estranhero cu trupanan aliado, durante e aliancion europeo di Merca un parti mas grandi den defensa di occidente?

Informacion di „New York Herald Tribune"

NEW YORK, 29 Januari. — Presidente Kennedy a dicidi di no ofrece Franklin Roosevelt, yiu dje difunto presidente, e puesto di secretario di estado pa asuntunan mericano, asina e corant "New York Herald Tribune" a informa.

E corant ta bisa cu e decision aki a wordo toma pasobra Roosevelt, un abogado, a jega di tabata den servicio di gobierno dominicano. E ministro mericano di asuntunan exterior, Dean Rusk, tabatin ordu cu e nombramento di Roosevelt lo provoca protestanan inspira pa e comunistanan na Suramerica.

"New York Herald Tribune" ta bisa cu Kennedy a bisa cu e ta desea pa Roosevelt haya un otro puesto importante den gobierno mericano. E portorriqueño Arturo Morales Carrion a wordo propone como candidato pa e puesto di secretario di estado pa asuntunan suramericano.

Victimanan di violencia na Colombia

BOGOTA, 29 Januari. — 19 persona a mur e Colombia den actonan di violencia na varios parti dje pais. Den tur caso tabata trata di ataknan hoer di bandolera bisi como militar i hon amia. No a causa preocupacion atrobe na Colombia, particularmente na e departamentonan Antioquia, Caldas, Valle y Boyaca. Ajeria 12 hebre a wordo ataca i asesina na e pueblo serovia, na Valle. E autoridanan civil i militar ta tuma medida pa intensiva nos ofensiva, pa trece paz na e regionan menciona atrobe.

Informacion di Socarras

MIAMI, 29 Januari. — E ex-presidente cubano Carlos Prio Socarras a informa na Miami cu el a kibra su relacionnan cu regimen di Fidel Castro.

Socarras, un dje simpatizadornan mas entusiasma di Castro, a bisa cu esey su gobierno ta forma parti completo dje bloque comunista awor v a dirigi su mes completamente na e despotismo slavo.

E ex-presidente kende a hanja su retiro na 1952 despues di un golpe di estado di Batista, kende Castro a corecune despues, a jega Miami poco tempo pasa, despues di a bishita Brazil y Argentina.

El a wordo declara culpable di violacion dje leyran mericano di neutralidad antes, pasobra el a duna e trupanan di Castro arma.

Na Havana nan a keda asombra cu e anuncio di Socarras. E corant "Prensa Libre" a skirbi Varios luna pasa e homber kende Batista a duna su retiro, a sali for di Cuba, bisando cu e tabata bai tene algun lezing na Suramerica. Awor el a deserta.

Kennedy a tene su prome conferencia di prensa

WASHINGTON, 29 Jan. — Presidente Kennedy a anuncia na su prome conferencia di prensa, cu Rusia a duna e 2 pilotonan dje avion Mericano di orientacion di tipo RB-47, cual a wordo destrui na juli over dje Barentssee, nan libertad. E pilotonan ta na caminda pa Merca. Ta e capitannan pilot John McKone y Bruce Olmstead. Merca no a haci ningun concesion pa hanja nan libertad.

Kennedy ta di opinion cu awor un gran strobacion pa mehoracion dje relacionnan cu Rusia a wordo elimina. E presidente a duna order cu Rusia a destrui un U-2 over di Siberia. Kennedy a bisa tocante e „Santa Maria, cu el a duna marina Mericano order pa no arresta e bapor Portugues,

pero sol „companje". Merca mester trata e caso aki cu cuidado, como cu bidanan Mericano ta na peliger y Merca ta mantene relacionnan amistoso cu Portugal.

El a bisa tambe cu ainda no tin plan pa un encuentro cu Krutshch ni pa restablece e relacionnan diplomatico cu Cuba, cualnan a wordo kibra den ultimo dianan dje regimen anterior. Merca ta dispuesto na considera entrega di cuminda. Pero no tin indicacion cu China ta aprecia un tal oferta.

Merca lo manda mas cuminda pa Congo.

Kennedy a bisa tocante e prohibicion di experimentacion atomico, discusion di cual lo cuminsa dia 7 di Februari na Ginebra, cu su gobierno tin mester di tempo pa custuma cu su tratado. E ta desea pa pospone conferencia te fin di Maart.

Encendio den refinaria na Texas

HOUSTON, 29 Jan. — Ajeria nochi a origina un candela den un refinaria di zeta na Houston, Texas, como resultado di un explosion. Polisnan ta bisa cu algun tanki di zeta a buli ballaria. Parce cu 3 persona a wordo herida.

Declaracion di Justin Bombok

NEW YORK, 29 Jan. — En relacion cu un declaracion di Justin Bombok, presidente dje Colegio di Comisionario General, cu e huzamento di Lumumba no tabata por tuma lugar ainda entre otros pasobra Nacionnan Uni a declara cu Nacionnan Uni no a priminti nunca di nombra huez pa un tribunal na Congo cual lo mester huzga Lumumba.

Protesta di Marchant na ministerio Cubano

LONDEN, 29 Januari. — E embahador ingles na Havana, Marchant, a manda un protesta severo pa ministerio cubano di asuntunan exterior, pidiendo pa kila un post di mitrailleur cu ta staciona riba dak dje edificio dje embahada.

E post di mitrailleur a wordo buta ajana durante e alarma general na Cuba en bista dje amenaza, cu nan tabata bisa tabata existi di un invasion mericano.

Parce cu Marchant a keha, cu e edificio dje embahada a hira manera un forti.

Elogio di Casa Blanca pa „New York Herald Tribune"

WASHINGTON, 29 Januari. — Casa Blanca tin tur elogio pa "New York Herald Tribune", pasobra e tabata sabi e noticia dje liberacion dje 2 pilotonan mericano na Rusia prome cu Kennedy a anuncia, pero e no a publica e noticia, a peticion di Casa Blanca, pasobra esey lo tabata perjudicial pa e pais y e pilotonan. E director dje corant, Whitney, tabata embahador mericano na Londen an-

INTEGRACION. — Poco poco, pero tambe masha sigur e integracion ta siguiendo su rumbo na e institucionnan Mericano di educacion. Awor ta robe na Atlanta, camina un mucha homber i un mucha muhe neger a larga inscribi nan na universidad di Georgia. Un parti dje estudiantenan blancu a cuminsa aqui tambe un rebellion di asunto di rasa. Pero riparamente hopi estudiante blancu a tene nan separa foi e babilonan aqui. No cu Hamilton, Holmes i Charlmayne Hunter a ser ricibi cu entusiasmo — esei nan a ripara tambe pasobra e stulnan banda di nan a queda bashi den e klas — pero toch cu calma nan a ser ricibi pa nan otro coleganan.